

四庫全書

史部

欽定四庫全書

萬壽盛典初集卷一百十二

歌頌五十二

生監諸臣三

萬壽詩

五言律二首

監

生

臣

張位

純嘏應天錫精誠勵

聖修乾坤長合撰枝幹喜初周旭日輝

龍袞晴霞護鳳樓八方齊獻

壽拜舞集共球 其一

天慶當三月春暉照

御筵彈琴操舜曲鼓腹樂堯天宮柳迎風綠蟠桃浥露

鮮河山明萬象長拱

聖人前 其二

萬壽頌 有序

監

生臣汪祚

臣聞祿位名壽有大德必享大年睿知聰明惟

至誠斯稱至聖理數未嘗或爽古今實有同符  
欽惟

皇帝陛下

廣運齊堯

文明媲舜

道貫百王而立極

位參兩大以成能萬族竝育於春臺率土咸登夫壽

域茲者節當

嘉慶時值陽春花甲初周占歲紀者自今伊始箕疇  
載衍徵祥應者以莫不增凡屬含生之倫盡知  
華祝惟臣章鄙之士益切衢歌伏覩

皇上膺圖御極五十一年統奠金甌光調玉燭允文允  
武極巍蕩之難名乃聖乃神洵頌揚而莫罄妄  
加蠡測竊用管窺則有若

郊壇禋祀禮必修虔明旦欽承日嚴昭格是

聖人事

天之誠也享

廟薦馨對越不懈

祖功宗德繼述彌隆是

聖人繩武之光也奉

慈聖之歡心而尊養備至禮稱純孝何以加焉篤

天潢之仁愛而恩禮偏周書稱睦族何以過焉

至於田租逋賜而澤霈敷天商稅竝蠲而雨蘓

大地

惠下之慈至矣仁行法外而屢減重條治期無刑而頻

加寬釋

好生之德溥矣猶且沐風雨以歷茅簷

命鑾輅而巡方岳是以疏濬一施而畿輔之沮洳盡為  
沃壤隨刊既授而黃淮之汎濫悉就安瀾奠定  
之功其大矣乎

亶聰明以為立政之源

簡人才以為安民之本是以濟濟多士加遴選而務別

材能桓桓武臣慎校閱而爰搜技勇論官之法  
其備矣乎若夫

尊崇前聖

弘獎諸儒述經史而炳若日星重學校而施同雨露  
敦風勵俗之意其厚矣乎至於

文德既隆

武功克奏九州率服萬年鞏磐石之基四海歸誠億禩  
慶河山之固而且瞻雲就日擴從來未擴之版



圖獻贄奉琛開自古未開之土宇東西南北一  
尉一侯綏甸要荒同文同軌蓋溯乾坤成列而  
後天地剖判以來未有竝此崇隆擬茲赫濯者  
也況復

智由天縱不費研精

德本性成猶加博覽時而發抒義理煌煌義畫文謨時  
而陶泳性靈隱隱周情孔思允矣經天而緯地  
卓哉驟帝而馳王且也八法通神直會指事象

形之始兩儀在握尤精授時定律之方是惟

至聖之多能實備統天之全量離能普照廣大自致高  
明乾本健行覆載同歸悠久譬江河之行地常  
此流通比日月之當天寧有紀極哉臣謹稽首  
頓首而獻頌曰我

皇受命時敏日新德參載覆道貫天人昭哉舜智宏矣  
堯仁九州四海稽首悉臣理本存誠治惟恭已  
不猛不寬盡善盡美事

天如親愛民若子厚澤深仁淪肌浹髓惟大一統億萬斯  
年武功赫濯文德敷宣爰稽史冊載考簡編盛  
德大業莫與京焉久道化成諸福咸備河海呈  
祥日星效瑞卜世卜年日昌日熾協氣旁流蒸  
黎廣被時暘時雨萬邦屢豐耕田鑿井率土歌  
功人多富壽世享帡幪康衢擊壤樂事相同甘  
雨和風霑拂九有履戴乾坤寧知高厚祝我  
聖君與天同壽穆穆上穹申命保佑一介草莽幸際虞

唐寸草春暉敬效頌揚詞  
慚風雅文媿珪璋敢  
隨百獸率舞趨蹌既歌九如更詠百福疊疊令  
名綿綿厯服祥覩星文籌添海屋

萬壽無疆八方同祝

萬壽詩 七言律二首

監

生 臣 呂 鐸

南極星輝接

御筵泰階玉燭慶聯綿  
九霄雨露涵

雙闕四國歌謠祝萬年大化聿昭文盛日春風長暖

艷陽天華籌海屋頻添算歲歲

恩波溥日邊

其一

生成

至德竝乾坤寰宇陽和沃

聖恩鼎盛春秋膺福履無疆甲子起貞元宮雲五色祥

光合御柳千絲淑氣繁最幸草茅能就日躋堂

相慶獻堯尊

其二

萬壽詩 五言律一首

監

生臣 王正學

乾健天行道惟

皇大德同甲周長祝嘏日永共呼嵩寰宇

恩光繞方州

愷澤蒙瞻雲滋湛露康阜被仁風

萬壽詩 七言律四首

監

生臣 張之頤

瑞靄氤氲滿碧霄  
虹流電繞慶今朝  
籌添花甲龍顏喜  
琴奏薰風鳳律調  
至治時雍敷率土  
鴻庥天保愜羣僚  
瞻雲莫罄謳謠意  
共祝三多拜

帝堯

其一

春暖銅龍刺漏垂  
花深紫陌照

丹墀珠囊煥采綿  
昌運金檢呈祥輦

盛時習習爐煙添  
柳重盈盈絲管出  
雲遲遙瞻南極

光華爛草木常霑

聖澤滋其二

羣向光天仰覆幬珠星環拱北辰高來朝萬國  
雲隨馬臚拜千官柳映袍紫燕翻飛依玉宇黃  
鶯宛轉和雲璫太平更喜

敷文教獻壽盈庭盡譽髦

其三

九重春色接蓬萊雲裏簫韶風更催淑景人人爭就日  
歡聲處處欲成雷已看湛露霑仙掌更借春流  
泛羽杯白叟黃童齊舞蹈山呼遠自萬方來



萬壽詩

五言律一首

監

生

臣

徐模

帝德超三古

皇圖鞏萬年  
雲山當曉麗  
花木向春妍  
日暖供堯酒  
風

和拂舜絃升恒占久道載頌九如篇

萬壽詩

五言排律十韻有序

監

生

臣

姚浩

德合無疆自永萬年之壽

恩敷率土斯騰兆姓之歡茲值三春令序恭逢

萬壽嘉辰淑氣融和咸樂熙熙化日祥光凝靄共瞻燦

燦長庚

闢彙征之路多士奮興

頒寬恤之條萬民樂愷於是赴闕者雲集四方莫不尊

親獻頌者風馳百祿由之邁總何意

微臣

欣逢

盛典伏念草茅下士拙陋無能擬效華封之祝願切三

多難名我

后之仁情依五鳳謹賡十韻爰用五言雖蟬吟蚓竅未  
足罄其高深而卷詠塗歌亦可抒其忠愛云爾

景運中天啟

皇恩造化同無疆稱

帝壽久道見成功時值陽春麗年當甲子豐

龍樓凝瑞靄

鳳闕拂和風南極星長拱西池果正紅

臺儀陳殿陛仙仗下崆峒朝野歡聲合山川淑氣融

聖情應有喜

天祿正無窮獻頌華封切車書文教隆

小臣

慚拙陋拜

舞效呼嵩

萬壽詩

五言排律一百韻

監

生

臣

杜庭珠

玉厯綿千祀

皇圖總百昌協風開廣莫旭日麗朝陽北極清都永南  
華翠嶺長謀猷多鳳觀聲教浹龍光竹杖通邛

笮輶車接夜郎黃支同獻賁烏弋盡來王

大道恩隆沛豐年福屢穰嘉禾垂九穗珠樹矗千行瑞

英流泉府神輸溢太倉

體元仁作宅

訓俗禮為坊寤寐勤宵旰聰明若雨暘

巡河翕喬岳

問俗徧耕桑

化洽東南尉

恩深上下庠儒風敦采藻史治興甘棠日月懸霄漢風  
雲起驕驕萬英隨玉壁九室坐明堂肆覲恭陳  
燎升中肅薦薌萬花餘翰墨四庫富縹緗丹粉  
輝天祿圖書列建章

宸奎河漢爛廣樂洞庭張韶濩爭宣豫臯夔日贊襄九  
歌勞董勸一德頌明良紫閣巢鸞鷟

丹墀集鳳凰論思清劍舄特達重珪璋嚴樂抽

中秘淵雲掖

廟廊蘭若棲羽翠芍藥和瓊粳共振蓬山筆同霑玉  
瀝香圓珠霏錦繡美句製琳瑯玉帛分堯座山  
龍補舜裳

神功看鼎象

盛烈在司常茲喜三辰合同傾

萬壽觴東瀛開寶籙西母奉瓊箱度索桃堪摘瑯琊稻  
已嘗綺筵斟桂醕玉城立芝房椒茵申巾帶笑  
蓉雜佩縈流霞飛片片零露浥瀼瀼海閣千秋

鏡仙人九節菖

御筵調紫鳳

天膳獵黃麋虬箭傳長樂鸞旂簇未央  
陛階凝穆穆環珮舞洋洋闔闔陳王會  
鈞天叶鳳翔八公趨絳幘十叟進瑤漿  
況復春明候欣逢草木芳紅綾滋艷杏  
綠綬映垂楊桐乳巢金鵲萍紋浴彩鴛  
九枝聯火樹百子躍文魴時藿兼青筍  
蘘荷竝紫薑槐衢方舞燕柘館恰鳴鶻  
絳縣同申瑞青



祇各效祥披圖方入洛刻玉便過唐景物中天  
麗謳歌匝地揚

宸襟舒浩蕩大澤汜長康化逐銅儀轉才將玉尺量龍  
門重啟鑰駿坂許羣驤赤水光逾發豐城氣有  
鎡乘風思鼓浪捧瑟更承筐月樹千層秀星槎  
一葦航穿楊誇接葉脫穎羨飛囊鼂董才先後  
鄒枚賦頡頏三條催吐鳳什襲貢鳴璫鶴算宜  
緱嶺鸞棲必翠簔探花曲江上駐馬杏林傍此

日栽桃李他年即棟梁  
玉衡停水鏡雅韻叶笙  
簧共卜鵬雲遂誰甘豹  
尾藏堦蔭占歲序嶰竹  
應宮商泰運宜征吉嘉  
謨矢拜颺飛翎還奮擊  
跣足自康莊地迴仁風  
被時熙吉士彰福占歌  
壽熾韶舞綴鏗鏘有喜  
同薪樵無才媿粃糠菰  
蘆蒙草澤鼃黽跼池潢  
寶謝雙環玉鉛輸百鍊  
鋼談經逢輔嗣未學叅  
毛萇寸晷何由惜三冬  
只自覆蔚天依曲阜桂  
子到餘杭瞻仰隨師濟

趨承凜肅將溪芼思蘊藻秋菊間饌糧在鎬魚  
溱首鳴臯鶴引吭一邱身欲致千里首重昂試  
上三多祝寧辭數仞牆嶽圖膺秘牒洞府檢神  
方赫赫熙鴻號遙遙沃令望八紘歸

巽命六位總

乾剛漢殿威儀盛周官禮樂詳波澄青雀舫苗秀白駒  
場國迂昇平福家承積善慶樹人勝樹木如阜  
亦如岡革野資調鼎礎溪獲釣璜洪爐同在石

大木可為系瀚海長無浪長庚亦曜芒天文高

炳蔚

聖度表顯印得預笙鏞奏聊同鳥獸踰懋哉賡已再樂  
只誦難忘彷彿窺三島分明傍九閭陳詩遵古

義臚筆頌

天皇佳氣聯丹紱祥雲拱赭黃恭吟一十字拜首祝無  
疆

萬壽詩

七言律四首

監

生臣張紹曾

舍元春旭景彤融

聖主當陽

壽域崇繼繼繩綿

寶厯巍巍蕩蕩仰

神功填成樂府天長久候得堯階日再中五十二年調

玉燭吉祥雲裏聽呼嵩

其一

和風習習

御爐香電繞虹流慶發祥銀甕鏤成綿算宇瑤池捧獻  
萬年觴壽魚天地人皇永厯過殷周夏后長七政璣衡  
全在握雲松棟牖仰

垂裳

其二

雲潤星輝正玉衡低空燕雀荷生成

龍飛萬歲春三月虎拜千官漏五更似海

皇恩真極樂如天

帝德本難名多年

機務勤宵旰默運神工定太平 其三

鸛鷺拜舞列

丹墀苑柳宮花漾碧漪紫氣遙浮雙鳳闕紅雲高覆

萬年枝

法天自與天齊壽祝

聖還為

聖獻釐從此籌添盈海屋

綸言布處奉恩私 其四

堯天擊壤歌

七言截句三十首  
有序

監

生  
臣  
林珠

皇帝御極五十二載

聖德徧於天覆之區

神功極於坤載之上昔軒后方制天下畫野分州自幽

陵至於交趾蟠木距於流沙歷代繩承未能遠

廓我

皇上德威所臨邇懷遠服自朝鮮琉球以外至於青海



烏斯諸城珠崖交趾以南迄乎魯特俄羅諸部  
凡血氣所鍾聲教所及莫不三譯來朝獻琛奉  
貢此誠皇古開天以來從未有大一統若斯之  
盛者也我

皇上勵精圖治益勤宵旰以天地之心行堯舜之政精  
誠以答

天心續緒而光

烈祖孝事

兩宮則合萬國之歡心以為養惇睦九族則聯百世之本  
支以為榮重道禮隆乎尼山封岳典成於泰岱  
文德以綏來服

神武以討不庭養老求賢省刑薄斂至於蠲千億萬之  
常額以厚民生頒十六條之

聖諭以淑民性優禮以待大臣覃恩而隆勲戚草野章  
句之儒懷獻賦者咸登於詞苑衛鎮赴桓之士  
嫻文藝者競奮乎棘闈

巡狩省方咨民間之疾苦疊沛

恩綸

大蒐講武順秋肅之天時合圍振旅善政史不勝書

事事皆為世法

聖人為人倫之極規矩為方圓之至則自天地權輿精

華啟造未有如我

皇上之盛德者也

臣

識字塗鴉皆蒙

聖恩之培養含哺鼓腹竝遊

帝世之光華茲者天開紫宸日躔黃道雲璈叶瑤池之  
奏琪花明上苑之春鵷行虎拜羣工肇

萬歲之觴岳祝山呼兆姓慶

如天之壽夫雅頌進於公卿非庶人所及而衢歌巷祝  
之言無由上達於

宸聽臣因思

皇途開廣采風爰及於芻蕘

聖主鴻慈獻暄嘉納於野老於是謹倣古者康衢擊壤

之遺縷述童叟謳頌之意雖未能仰贊

高深之萬一聊以表懽忻鼓舞之微忱得詩三十首以獻

彩鳳扶輝

玉殿東甌瑞氣拱

三宮

聖明天子躋仁壽拜舞衣冠萬國同

一東

金闕初開動曉鐘露華凝掛萬年松羣瞻

聖主無為象堯舜垂衣在九重

二冬

聖德如天覆萬邦直教含識盡歸降十村萬井嵩呼動

喜氣騰為寶勝幢

三江

開成神化繼庖羲今日

虞廷觀鳳儀

帝德自同春浩蕩恩霑花柳更無私

四支

列宿輝煌拱紫微九天闔闔慶雲飛萬年景祚

唐虞遠玉燭金湯鞏

欽定四庫全書

卷一百十二

帝畿五徵

欣瞻六合盡車書今日閭閻慶有餘長願百生

逢

聖世年年長拜

紫宸居六魚

巍巍聖德紹唐虞

天語煌煌竝典謨千載明良今復旦賡歌喜起慶都俞

七虞

多能天縱聰明主運應貞元福祿脗續述光承

三后緒燕謀垂統萬年齊

八齊

郊壇裡祀肅燔柴馴象和鸞踏

御街昭格

靈祇深眷顧萬年福祿永兼該

九佳

西來青鳥集靈臺王母瑤池捧玉杯青帝九天

開壽國迴看六合盡蓬萊

十灰

寢門三至問安頻萬國歡心奉



一人

天母慈容添色笑光昭

聖孝萬年春

十一真

化成久道轉憂勤

峻德欽明過放勲參天兩地神功在萬歲千秋頌

聖君

十二文

普天來慶

一人尊

金闕巍峩闢四門億兆齊聲

君萬歲南山北斗介堯樽

十三元

六龍巡幸出長安補助春遊警蹕寬租稅蠲除天下足

聖心猶切問饑寒

十四寒

太平天子福如山巡狩東南浩澤頒童叟焚香車下拜

歡聲動地喜

天顏

十五刪

幸魯鑒興禮聖先尼山道統契心傳須知精一超湯武

成化雍熙億萬年

一先

備樂歌功列眡瞭笙簧鐘鼓徹重霄雅音直叶

咸英奏干羽從今是九韶

二蕭

湛露歌來燕近郊吹簫鼓瑟列嘉穀

聖朝慈惠陽和徧一德君臣協泰交

三肴

彤弓朱矢錫勲勞况復琳瑯

宸翰褒夙夜在公思匪懈頌颺福祿與天高

四豪

神功底定慶淮河

聖德今知海不波江漢朝宗歸

帝闕平成還奏九功歌 五歌

天高雲淨騁龍駒校獵高原射五豝秋獮順行

金氣肅霓旌千隊日光華 六麻

聖學臨池邁二王銀鈎輝映墨生光

萬幾餘暇常揮染競仰雲煙出建章 七陽

大德由來是好生

恩寬解網見祥刑臯陶執法原無二三宥時時切

欽定四庫全書

黃壽域典和集  
卷一百十二

三

聖情 八庚

上庠國老錫安寧絹肉猶頒廣外廷

聖主弘開仁壽域滿朝盡是老人星

九青

萬壽恩科解額增九州多士喜難勝公車遠邇趨王會

楨榦他年弼股肱

十蒸

聖德崇隆敷政優況當春令徧宣流

皇恩廣被懷柔遠萬國來同拜

冕旒

十一尤

廣頌

聖諭見天心十六條成萬世歲早識閭閻歸孝讓山陬

海濱總鳴琴

十二侵

漸被東西暨朔南禽魚猶自沐

恩覃含靈有福逢堯舜共儼華封拜祝三

十三覃

康衢擊壤樂安恬作息嬉遊化日進試問

恩波今近遠已周西鰈與東鸕

十四鹽

皇仁沕穆同丕冒天授丹書彩鳳銜

聖敬日躋隆上治康謠願得比英咸 十五咸

萬壽頌 有序

監

生 臣 宮懋臨

臣聞上元開闢啟無極太極於鴻蒙一氣氤氲肇天皇地皇之統緒黃河清而聖人出行昌期者五百年里社鳴而王者興隸版圖者千百國故張囊立宇兩地參天合覆載而執樞握苞符以建極欽惟

皇帝陛下

如日初升

法天行健萬冊書功之紙管窺止得其大端千枝頌  
德之毫蠡測難該夫衆美茲值五陽之旺律恭  
逢

萬壽之昌期辰月發祥

乾飛得位午年毓瑞

離照方中花甲一周歲在朝陽之次芳春三月日移婁



宿之宮紫蓋黃雲坐明堂而頌國政金繩玉版  
登日觀而受天符臣藝媿金牛學慚半豹徒知  
鄭璞齊竽之好未忝秦冠漢綬之榮挈瓶之智  
屢空短綆之才不及雖無為光宅得歌比屋之  
封而有道賤貧耻作歸田之賦儻蒙動薰風於  
舜海沛甘雨於堯雲則涓滴微流向銀潢而望  
若勾萌細物依瑤圃以揚輝謹竭葵誠敬成蕪  
頌頌曰

皇帝立極海宇肅清三靈叶吉百度維貞禮兼文質樂  
奏咸英邇安遠至久道化成欽明文思溫恭允  
塞天覆地載靜翕動闢

高勲大業巍巍赫赫澤普四方光熏萬物大孝不匱承  
先啟後政教維新典章由舊

宗祏贊幣

郊壇奉酎必躬必親以妥以侑學達天人文炳日星出言  
如絲吐辭為經几杖有戒盤盂有銘

龍章鳳藻照耀千齡春溫秋肅仁漸義劇發號施令信  
於四時聲靈雷迅大化風馳上德不德無為以  
為炎州冰海蔥山狼望倣擾封疆竊窺亭障

王師一怒煙消霧盪我武維揚天威遐暢八紘歸命萬  
壁來王馳書折簡山梯海航穴胃反踵雞塞龍  
荒奉珍貢賁莫敢怠遑翠簟生厨丹堦在戶駢  
目喁池比翰棲樹醴盪春泉甘凝秋露五風十  
雨民和物煦昭陽之歲月維載揚律中姑洗氣

達勾萌

聖人御歷日景舒長乾坤貞觀烏兔光芒箕疇甲子莊  
椿歲年昌期五百泰運三千休祥絡繹景福駢  
聯百葉千祀瓜瓞綿綿

聖德無方神功不朽惟日月恒惟天地久羣工颺言多  
士拜手躋堂稱觥敬祝

萬壽

仁壽鏡賦

監

生臣宮懋猷

太歲當貞元之合

一人受厥初之祥飛電繞樞慶乾坤之貞觀長虹流渚  
頌日月之光芒

天子執軒轅之十二鏡以徧照乎公卿百辟更遠燭乎  
上下四方有千秋之金鑑懸仁壽之堂皇雖處  
潛而必照亦遇暗而更彰當其考工辨器匠氏  
呈能擇太陰之純質取從革之金英迢迢揚子

之津江心飛鯁赫赫端陽之節日中鑄成鵲墮  
懷而呈象龍盤治以成形及其列在瑤墀懸之  
藻井婉夜月之沉沉比明星之耿耿清光曉徹  
則碧落流輝高明遠矚則長空寫影不澄不撓  
類止水之淵涵無盈無闕同太陽之彪炳於是  
鏤之菡萏之奩樹以珊瑚之架鸞翼高騫菱花  
不謝戶庭洞達搖紫電而迅飛表裏澄泓湛清  
潭而輕瀉況乎光倂照膽明比臨池其為用也

不滯於同異不虧於堅白雖屢照而不疲其為  
體也無憂於磨磷無患於涅淄歷顯晦而不移  
是故

聖天子取焉手平者必正體靜者必安水清則鑑徹表  
正則影端執明鏡者無所私其照對明鏡者無  
容匿其奸將共躋黎庶於仁壽寧徒存銘戒於  
帶鞶

萬壽詩  
七言律一首

監

生臣范大德

帝德如天被萬方太和宇宙慶無疆  
光凝松牖星雲燦瑞靄  
堯階日月長自古至仁全壽理由來元善

集嘉祥

聖人福極靡涯量拜獻千秋紫玉觴

萬壽詩七言截句二首

監

生臣顧日熾

旭日曈眊照玉京  
綠雲紅霧慶霄明  
遙知薄海



嵩呼處比戶春風

萬歲聲

其一

歲歲

恩綸沛德音蠲租賜復總

天心陽春大地無私照更有三吳被澤深

其二

萬壽詩

七言律二首

監

生  
臣宋訥

太平有象萬方同共喜時清歲屢豐壽域正開

霑

帝澤長庚臨耀暢

皇風仙璫聞處和聲叶瑞靄飄時淑氣融今日侍臣將

進酒年年齊拜紫雲中 其一

御宿光中坐

聖人

至尊三月正生辰流虹繞電占祥運甘雨和風會好春  
彩結蓬萊常五色杯浮沆瀣列千珍九如頌裏

臣民樂頌祝無疆共大椿 其二

萬壽詩

七言律四首

監

生臣金玉樹

聖明天子應昌期六十年来化澤滋  
玉厯初迴新甲子  
金甌永固奠坤維  
山陬海澨歡堯日  
鳳舞麟遊

紀舜時

聖壽天長今正始  
三呼處處樂雍熙  
其一

飢渴求賢更不侔

朝端輔弼有伊周三千奏牘金門獻尋丈珊瑚鐵網  
收惟喜丹山翔鳳驚總教文囿出麟駒即今  
壽考饒嵩祝處士廬空感應求 其二

蕩平無處不安恬

聖澤汪洋率土霑屢見史臣書大有時聞

天語恤窮簷桑麻萬井歡童叟雨露千春到鰥鵜尺土

一民咸感德岡陵長頌壽頻添 其三


天街樂奏日遲遲玉葉金枝進壽卮九族麟趨齊頌禱

十官雲集盛威儀

龍顏霽處聞行惠

春殿晴時合介肴  
桃實如瓠瓜似棗  
羣仙歡奉下瑤

池 其四



萬壽盛典初集卷一百十二

# 欽定四庫全書

史部

萬壽盛典初集卷一百十三  
四

詳校官宗人府府丞臣富兆熊

編修臣程嘉謨覆勘

總校官知縣臣楊懋珩

校對官中書臣王鍾泰

校對官中書臣趙秉淵

謄錄監生臣張麟

謄錄監生臣劉田

欽定四庫全書

萬壽盛典初集卷一百十三

歌頌五十三 生監諸臣四

萬壽詩 五言排律五十韻

監

生臣譚一豫

帶礪山河壯升恒日月長

一入膺五福

萬壽婉三皇花甲周初度長庚曜正芒

鴻庥真有喜鳳歷兆無疆節屆暄妍好時當品彙昌  
仙桃蟠錦艷宮柳鏤金黃樂奏雲門振爐飄寶篆  
篆香嵩呼聯遠邇華祝盡梯航惟

聖超前代乘乾著烈光

冲齡登九五

濬哲邁成康盤几無勞警農蠶入慮詳繪圖同七月比  
戶足千箱夢寐猶無極

恩膏正未央幾年頻



賜復應念總如傷時邁廵方嶽

皇衷軫八荒

翠華臨塞磧紫氣徧維揚波偃獼猴靜塵開狐兔藏  
龍舟移鏡淨鳥跡燦碑芳此日淮河畔於今肅  
慎鄉遵塗咸獻箚懷德自來王業業乾行健輝  
輝吳命張黃麻容節鉞

丹陛簡循良謂吏親民切須賢始位當推誠方保赤  
求瘼慰呼蒼網必開三面刑惟弼五常心平情

自怨仁被法俱臧衢巷覘風俗謳歌徧激昂南  
薰繞縵瑟北極但垂裳旭日蒼龍上祥雲雉雉  
旁清時多暇豫藝圃足翱翔博學師何有多能  
天縱將圖書探委宛翰墨仰

天章

詔每來三殿歌因守四方聳觀同跳臥敬聽叶鏗鏘前  
席崇文教

訐謨飭猖狂森森瞻棧樸濯濯麗宮牆楨榦由茲集風

雲應連祥澤身潛豹霧振翮躍龍驤茲值嵩南  
壽難將斗北量作人原久道顓俊闢弘綱茅茹  
連征吉禾苗近在場十年逢

聖誕多士起巖廊自分魚依藻欣瞻鳳在岡百生逢

舜日寸祿竊虞庠恭仰虹流渚虔陳兕作觴賡歌青瑣  
客進頌紫微郎盤獻摘仙果杯濃艷玉漿陪臣  
隨海溼朝列躋漁商終冀追駕鷺長鳴和鳳凰  
丹忱凝葵藿紅日麗扶桑

萬壽詩 五言律四首

監

生 臣 吳陳琰

在昔天皇氏膺圖萬八千

一人令合德

六御正乘乾貞固南山峙端居北斗懸仙籌難紀數寶

歷永綿綿 其一

令節際三春

嵩齡始六旬車書風盡古日月景長新舜樂聲容美堯

尊氣味醇東華到

西苑萬國祝靈椿

其二

離照文明盛

綸音闕制科有天皆雅化無地不

恩波十載千秋例三時萬口歌從茲培士氣寒谷得陽

和其三

禁柳依瑤闕宮桃簇玳筵

心同無量佛人戴大羅天華祝三多集箕疇五福全

小

臣  
邀

聖澤長詠萬斯年

其四

萬壽詩

五言排律十二韻

監

生  
臣  
王維准

聖德開天運鴻圖寶歷長遐齡齊日月多祐協羲皇符

應千祥集功垂萬福將西池王母至南極壽星

昌御柳枝枝綠仙葩處處芳歌同韶樂奏舞竝

彩雲翔

仁壽超千古謳思徧八荒羣黎欣仰

德萬國樂觀光海屋增輝曜嵩呼競讚揚冠裳看拜舞  
童叟盡趨蹌紫氣浮仙掌紅雲繞建章從茲億  
萬厯歲歲頌無疆

萬壽詩

七言律一首

監

生臣謝珠

華渚流虹誕

聖祥纔周甲子慶方長廷臣共進岡陵頌髦士羣歌棫

樸章仙杏却疑蟾窟種瓊林還折桂枝香小儒  
何幸隨鴛鴦稽首躬陳

萬歲觴

萬壽頌

監

生臣王國柱

皇帝御極五十二載澤流兆民恩及四海政治穆清臣  
庶樂愷魁柄自挈乾綱獨振武功文德今古彪  
炳東西南朔罔不敬應恭默思道宵衣旰食敬



天勤民朝乾夕惕定性和神斂福錫極

聖壽無疆甲子星周羣后式序百神懷柔卿雲綺合湛  
露膏流華祝敷天嵩呼動地躋堂稱觥風雲竝  
會俾壽熾昌天庥降至貞符協應寶祚綿延虞  
絃廣被幽雅交宣式歌且舞

天子萬年

萬壽頌

監

生臣張文裕

皇建其極正位當陽精明強固愈久彌彰無為致治恭  
已垂裳與天同運與地無疆益植根本廣培俊  
良有麟遊藪有鳳鳴岡一堂喜起百爾賡颺惟  
茲下國久被

天光願從五老敬祝堯觴

萬壽詩

五言排律六韻

監

生  
臣 莊桺榮

懷柔時位育海甸式尊親世泰

皇圖鞏時和景命申周天增

聖歷應地永

皇仁翼翼中天曉鶯花上苑春懽呼趨父老歌拜洽臣

鄰閭苑繁桃李昇平日月新

萬壽詩

五言排律六韻

監

生臣錢兆升

泰階明紫極雲漢倬天章甲子周堯歷山龍耀

舜裳

王言傳渙汗喜氣動宮牆瑞啟貞元會星躔奎壁光鳳  
庭芝草秀雲路榜花香閨苑新添籍爭稱獻壽  
觴

萬壽詩

五言排律十韻

監

生

臣

周

震

海屋添籌日卿雲復旦年堯尊祈酌斗舜樂聽  
揮絃薄海恩徧瀛洲淑景旋禎符承泰運上  
瑞紀瑤編五福

皇時斂三多

聖自全絳人論甲子姑射致神仙御柳隨風動宮花向日妍  
嵩呼同舞蹈士氣早騰騫瑜瑾昆刀發珊瑚鐵網連碩因南極宿長拱

紫宸邊

萬壽詩  
五言排律十二韻

監

生  
臣陳光祖

北闕紅光燦南山紫氣新

聖明懸日月

恩澤溥臣民  
養老逾周渥  
蠲租較漢頻  
金錢頒內藏  
疏濬歷河濬  
顯赫征無戰  
懷柔化有神  
衢歌忘

帝力巷舞樂  
天鈞治已超  
隆古心猶厯  
得人揆文調  
鼎鼐備武列  
麒麟濟濟皆  
楨幹勤勤念  
樵薪聿招  
巖谷隱悲作

廟廊珍浪暖  
蒼虬舞天高  
彩鳳伸羣瞻  
閭闔啟颺祝  
萬年春

萬壽賦

有序

監

生

臣薛

雋

臣聞藹然春溫天之所以育萬物確然動直乾  
之所以資大生卜之於理有必然信之於人亦  
猶是子曰大德必壽詩云君子萬年豈獨得於  
古時復又見於今日欽惟我

皇上

日長同歲

壽永配天

運際貞元八百國之橈槍盡掃

道當保合萬億年之磐石常安逢甲子之維新識

天顏之有喜莫不梯山航海爭獻共球亦且搦管攄詞

同伸頌禱炷香日上情較華封而轉殷嵩祝齊  
呼願將箕疇以比擬蓋由

皇上保民與保赤同意因而黎首愛

君與愛親同情春日春風春色年年不老



聖朝

聖治

聖人在在無私千綬桃花雜燕鶯而竝舞九衢燈火映  
星月而聯輝中外為之承歡天人為之介祉猗  
歟

帝世同唐虞之際如此其隆大哉

皇猷駕湯武之君更覺其盛乾坤之策三百六天皇之  
壽萬八千考瑞典之所徵知至誠之無息鳳凰

出而百鳥固思奮以和鳴神龍見而羣鯨亦揚  
鬣以煦沫同在熙皞之世豈忘

高厚之恩不揣無文恭為一賦其詞曰

巍巍天府蕩蕩

皇圖正體乾兮出治時交泰兮分敷馭青龍兮首出命  
青鳥兮先驅在

一人兮有慶為萬民兮歡娛爾乃卿雲呈祥條風應節  
六十年海不揚波大一統民無敢越拱紫微之

在上森衆星之羅列陳仙醴於

龍樓懸花燈於

鳳闕望雉尾而光搖披螭頭而香結遏歌吹於祥雲

迴舞綵於明月內則蘭馨芝秀玉葉天潢拜手

以奉

萬壽稱觴外則金張之傳稷契之伍捧彼兕觥祝惟純  
嘏邇則五方羣赴四民齊來文移北斗壽獻金  
壘遠則流沙極漠窮海至濱拜瞻霄漢莫不尊

親於是

天子覽封畿之翼翼玩民物之熙熙萃一天之淑景蕩  
三月之芳菲渙

殊恩於宇宙頒

王言之綸絲雨露磅礴於臣庶吹噓彷彿乎解推郁李  
培多而枝茂菁莪香動而秀滋竊窺之管尤知  
其奇以多能而益見其聖固天縱而亦何常師  
而且至孝本於成性好學而又生知訪圖書於

乙夜勤誦讀於萬幾精微之統已繼洙泗之文  
在茲深維無逸之訓三復豳風之詩農桑無不  
樂其業庠序亦各得夫宜繼平成之績奏安瀾  
之期調萬年之玉燭方履端於春時臣乃拜手  
稽首而為之頌曰篤生

聖主總攬鴻權明無不燭勇孰敢先行之以仁三者俱  
全螽斯介鱉麟趾蟬聯降澤於民受祐於天於  
時保之億萬斯年

萬壽頌有序

監

生臣章 鈺

欽惟我

皇上臨御之五十有二年恭遇甲子初周

至德廣運九霄開

聖誕之祥

大業覃敷萬國祝齊天之壽臣鈺草茅賤士未敢拜舞

揚休冀英昌期竊效華封獻頌四言十首三祝

萬年

聖人御宇歷數中天建中立極精一心傳德敷九有仁

覆八埏卓越千古永保萬年

其一

思皇我

皇聖本天縱博學多能明體達用恭默淵冲時雍風動

成功文章衢歌卷頌

其二

允文允武乃聖乃神蕩平正直泰運方新聲教

洋溢莫不尊親普天率土歡樂無垠

其三

樂以天下敘時百福宇宙清寧中和位育三王  
得四五帝得六億萬斯年為我

皇祝

其四

欽哉我

皇至誠盡性樂育蠲租正位凝命端拱垂裳萬邦有慶

春酒載塗謳歌聿盛

其五

猗歟盛哉萬年

天子治洽化成川流嶽峙軒轅婉績義皇竝齒百千萬



載自今伊始 其六

大哉乾元

天子萬年殊恩丕著曠典特宣維悠維久如岡如川巍

巍蕩蕩峻業光天 其七

三星繞

殿花甲初周律中姑洗薰風解憂兩岐九穗翼翼繇

繇生逢

盛世瑞靄盈眸 其八

維天之命申重

鴻寶自求多祐永錫難老階旋白鶴庭盈芝草

皇帝萬歲天眷民禱

其九

時維令節

聖主當陽千官拜舞萬國梯航彤廷煥彩璿宇輝煌

一人有慶賴及萬方

其十

萬壽詩

五言排律二十韻  
有序

監

生

臣

胡

樞

今夫天之高也以其無所不覆地之廣也以其  
無所不載惟罔不覆載凡天地間所謂飛潛動  
植含生負氣之倫亦罔不思仰給於天俯給於  
地焉天地知羣類之咸仰於我也因各隨其性  
之所宜安之適之裁之育之雨露以滋培之風  
雷以鼓舞之務俾盡遂其生咸復其性而後已  
易曰大哉乾元至哉坤元非以天地之德為莫  
可思擬耶故萬類者天地之臣民天地者萬類

之君父也然猶恐寒暑愆時高卑異勢風雷雨  
露培養之或遺乃萃山川之秀彙河嶽之祥  
霏畀一人使之聰明睿智神靈首出赫然居  
兆民之上而為天下主以輔生成之所不逮  
裨雨露之所不周號曰天子是天地者固萬  
類之君親而人君者又萬類之天地也天不  
生聖則天地之德不彰天不生聖主則天地  
之澤不溥故於唐生堯虞生舜夏生禹商  
生湯周生文武而於

大清則篤生我

皇帝陛下

翩然龍鳳之姿

巍然天日之表

聲為律而身為度德協中和

望如日而就如雲光昭上下

亶聰天縱

純孝性生

法乾健以勤民

體坤寧而鎮物

制禮作樂簡增宇宙之輝

端拱垂裳負絕古今之治既敷布之咸宜更張弛之

盡善

親儒好學道闡孔孟之傳

博籍宏通數啟圖書之秘

恢弘豁達大度如淵

克讓允恭虛懷若谷命官以器任相惟賢洵

允文而允武誠

乃聖以乃神雖

身居九重之上未常不以黔首為心而

宸衷惕若宵旰憂勞已治而猶以為未治已安而猶以

為未安五十有二年以來天覺賴以益高地覺

賴以益厚日月賴以益明河嶽賴以益奠

太祖

太宗

世祖之緒賴以益光堯舜禹湯文武之烈賴以益顯而陰陽和神人格四氣調五行序不怒威不言信風動時雍百昌咸若澤及而不知刑措而不用熙熙皞皞羣相遊於順則之天焉邇者河清屢奏海不揚波康衢擊壤之謳充然徧聞宇宙而且風迴浴日之鄉罔不尊親愛戴非甚聖德孰能如是哉自生民以來未有盛於我



皇上者也子曰大哉堯之為君惟天為大惟堯則之蕩  
蕩乎民無能名焉巍巍乎具有成功煥乎其有

文章者

臣敢為我

皇上頌焉曰

佳氣南山廻祥光

北闕浮卿雲來

紫禁麗日藹

皇州景運開千禩昌期協九疇天生

濟哲主世躋太平秋八彩同堯瑞重瞳似舜眸體乾勤  
國政好學博墳邱端拱垂衣治虛懷側席求宮  
闈傳至孝演譖沐宏庥麟趾歌仁厚闕畦詠好  
述桐圭分未忍花萼愛常留寮案施恩渥公孤  
示禮優廟堂知草野樽俎折戈矛靈囿祥麟集  
昆池瑞鳳遊殊方歸版籍萬國執共球德洽神  
人格情於翰墨投

宸章迴鐵畫

御藻挺銀鈎宴奏簫韶樂筵供閼苑饁普天蒙

帝力率土頌

皇猷高湧扶桑日初添海屋籌願祈

聖主壽億萬與天侔

萬壽詩 七言排律十二韻

監

生 臣卜鴻生

萬年甲子初周日

聖德崔巍永發祥春色舒遲迎瑞靄卿雲爛熳擁霞光

柳垂青瑣霑衣翠花發天衢挹

御香風若雨時蘇萬象日暄雷動靖羣方蠲租戶戶恩  
膏滿解網年年雨露長久道化成仁者壽乾行  
不息慶無疆經天麗藻超千古福國訃謨邁百  
王顓俊旁求憑玉尺作人愷悌燦雲章控弦子  
弟能通古簪筆儒生擅貫楊桺撲青莢儲國器  
共球冠帶盡梯航雲璈天籟諧音律仙仗蓬萊  
列鷺行遙識

天顏多喜氣華封豈必羨陶唐

萬壽詩

五言排律六韻

監

生

臣

吳達章

昌期開泰運

帝位履光明晴日烘螭陛祥烟擁鳳城華雲籠

寶幄彩旭麗

神京湛露承仙掌仁風扇鹿茸羣黎欣徧德多士慶

連征長此

堯天戴葵衷向日情

萬壽詩 五言排律六韻

監

生臣郭涵

紫殿流虹日

彤宮繞電時乾坤千古壽雨露萬方滋元老陳金鑑

皇王進玉卮

一人稱壽考多士慶昌期松柏岡陵賦菁莪棫樸詩歡

呼盈

北闕拜舞上瑤池

萬壽詩

五言排律十四韻

監

生臣莊鴻寶

瑞應

龍飛日祥開電繞辰霞光

雙闕霽景色萬年春御柳垂青瑣仙桃進

紫宸雲璈霄漢徹天仗鼓鐘振燕喜當三月文明被八

垠舜庭儀彩鳳軒囿畜祥麟特敞圖書府兼羅

嶽瀆珍騰驤千里駿鞭策九方  
歟鶚薦探春宴  
花簪折桂晨

殊恩闢仕路大典奉

皇仁寶厯綿無算璇樞運有神  
遐荒聲教洽我樸頌颺  
頻瑞英堯階舞瓊漿蓬島陳歡逢

萬壽日舞蹈徧臣鄰

萬壽詩七言律一首

監

生臣殷祚昌



九重甲子慶初周  
絳節朱旂擁帝州  
鰲禁雍容甘露渥  
璇宮讌喜彩雲浮  
麟虞瑞應宇區夏  
日月光華起頌謳  
最幸儒生邀

異典聯行遠邁鳳池頭

萬壽詩  
七言律一首

監

生臣卜廷坤

融融暖日洽祥烟  
寰宇謳歌祝

萬年會際昇平光復旦  
蔚興禮樂麗中天河山  
千古明

良合芹藻三春雨露妍敢藉瑤池仙醴熟稱觥  
獻壽

聖人前

萬壽詩 五言排律十二韻

監

生臣史燾

靈符開舜旦寶歷記堯時玉軸圖成嶽雕筵樂  
奏箎香飄銅鶴篆日麗

宸龍旗洞府呈瑤草衢樽進碧卮右文超自昔德化

盛於斯籲俊虞廷闢求賢漢詔馳崑璜爭入穀  
聯璧喜無遺選使羅薪樵遜才盡鼎鼐六經資

潤色五典

御親披習習儒風古皇皇

聖學攷昭回溯雲漢典則誦文思

萬壽岡陵祝葵傾向日私

萬壽詩 五言律四首

監

生臣張齊玉

聖壽齊南嶽祥雲護

帝閭車書歸一統功德邁三王文治麟圖鞏

天家鳳歷長丹心懷

玉闕際此荷榮光

其一

南巡荷眷顧

恩沛碧霄邊峰泖霑

天潤壺漿拜

聖顏長歌娛舜日擎壤樂堯年世美登仁壽岡陵景福

綿其二

御座開仙仗

天顏笑語時萬方歌燕喜九宇沐

鴻慈瑞叶三多頌祥呈五色芝生逢清晏世率土慶雍

熙其三

八紘齊拜舞攀躋

九重門霄漢星辰迥光華日月尊輸誠暨遐邇

溫語煥絲綸

萬歲嵩呼者稱觥荅

主恩 其四

萬壽頌 有序

監

生臣陳仕

欽惟

皇上

學隆千古

道冠百王

心源接精一之傳文教敷於四海

治術邁羲軒而上豐功洽於九州合天人而被第祿

時雨暘而卜休徵是以

御極五十二年海宇承平咸頌

一人有慶會同千八百國民氣和樂羣祝

萬壽無疆食德飲和荷

生成而永戢含生樂業戴

高厚而寧忘所宜播諸樂章揚厲

熙朝之偉業更願宣諸律呂鋪張

盛世之鴻庥

臣

草茅下士樗櫟庸材身際

文明之代沐教澤於無窮躬遊

仁壽之天欲謳吟而莫罄敬效衢歌用申頂祝

欽明

天子小心翼翼永彼萬年敬此朝夕綿綿葛藟施於松

柏福祿攸從崇於有德

其一

天命於德作



君作師典茲六籍弘惟教思一哉

王心執德靡遺於樂辟雍濟濟熙熙 其二

濟濟多士執經秉德維彼賢才以楨

王國至於都邑既齊既敕具曰

聖人永錫萬億 其三

萬億之來自今伊始保定

聖躬至於卿士皤皤黃髮是詢是使

天子曰俞肅余綱紀 其四

巍巍嵩嶽培塿崇之泱泱大海江漢宗之肅肅

天子小大從之赫赫

王命福祿同之其五

福祿之同降此黃茂農夫之慶

天子之厚何以祝之厥德由舊又何祝之

天子萬壽其六

萬壽詩 五言排律二十四韻

監

生臣俞鴻德

帝德貞恒永

皇圖帶礪長乾坤逢景運寰宇慶當陽周甲籌初記昌  
辰厯詎量熙熙臻壽域藹藹徧榮光

天縱超羣聖心傳紹百王唐虞今復覩謨烈古難方窮  
髮梯航徧雕題玉帛將收寧清朔漠

威武靖南荒竹塹堅承岼桃花靜繞塘平成功已奏

宵旰慮尤詳疊荷新蠲賦仍蘇舊負糧好生同覆載肆

教軫桁楊沐浴儒林盛薪樵士氣揚兩闌

恩再闢十載例成常好古圖疇契怡情翰墨香

宸章昭日月

奎藻燦琳琅盛事書難罄燕詞頌莫彰春光三月麗喜  
氣八紘洋璀璨卿雲曉龍蔥

禁樹芳綏山桃正熟瑤圃鶴羣翔銀甕天呈寶金芝  
地效祥龐眉爭抃舞委珮肅趨蹌願獻千秋鏡  
欣稱

萬壽觴華封中古意長此戴穹蒼



萬壽盛典初集卷一百十三

欽定四庫全書

萬壽盛典初集卷一百十四

歌頌五十四

生監諸臣五

萬壽頌言

七言截句十首  
有序

監

生臣鄒士夔

皇上御極之五十二年歲次昭陽律吹姑洗躋六旬之

大慶屆千載之昌期天下臣民懽忭鼓舞雲集

京師而士子之感戴尤深頌揚彌切臣士夔一

介草茅恭逢

萬壽開科來

都應試適奉

上諭許在京舉貢生監人等報名註冊叩祝

聖壽

恩皆出於望外慶自發乎中情謹獻臣自繪長春圖一

冊并頌言十章凡以草木昆蟲胥霑

聖澤而衢歌巷詠並效愚忱云爾



上日花開千葉蓮紅衣翠扇映交鮮緣知太液  
恩波暖佳氣氤氲

萬壽年

其一

盱食宵衣厘

至尊為民祈福

詔書溫雨暘時若休徵集萬彙都霑

萬壽恩

其二

六合同風洽太和蠲租賜復受

恩多士林遭際尤難得曠典新開

萬壽科 其三

重疊

溫綸喜共聽八方休請建碑亭

天心愛惜惟民力止列瑤堦

萬壽屏 其四

南極星光耀紫微山龍藻火並爭輝由來萬物

如同體萬姓裝成

萬壽衣 其五

如日長升如月恒星橋瓊瓌綵層層祥雲捧出  
齊瞻仰天上高懸

萬壽燈 其六

日麗旌旗

翠輦迴天厨絡繹

御筵開一時醉舞瑤池畔玉露金莖

萬壽盃 其七

仙闕蓬萊護絳紗繁枝交綺發奇葩祇緣雨露  
栽培久上苑齊開

萬壽花 其八

頌禱都無綺麗詞盈廷拜舞慶良時小臣竊附  
衢謠未願進瑤箋

萬壽詩 其九

淑景暄風本配仁艷陽時節歲華新昇平景象  
堪圖畫幅幅丹青

萬壽春

其十

萬壽頌

集五經八章  
有序

監

生

臣

鄭維新

臣聞乾行至健離照當陽德合清寧兩大之禎  
符永集天開甲子五行之氣序常新故乘景運  
以貞觀蘊靈獨異斯由久道而成化卜厯無疆  
三多獻祝於堯階百祿罄宜於周室頌九如者  
歌天保稱萬壽者躋公堂倚歟慶澤流長允矣

箕疇福歛欽惟

皇帝陛下

瑞應虹流

祥凝電繞

備聖神文武之至德

兼聰明睿智以有臨勤政愛民敬

天法

祖博施濟衆實堯舜所未能輔相裁成補造化之不逮

得位得祿得名得壽集諸福而駢臻自南自北  
自西自東萃四方而心服天不愛道地不愛寶  
煥發天長地久之徵日增其光月增其華永著  
日升月恒之象會貞元而吸沆瀣望雲物而迓  
禎祥河出圖洛出書榮光上燭螢生庭松生牖  
瑞靄高凝率土均歡普天胥慶茲者歲在癸巳  
屆

聖壽之六旬律應姑洗協呼嵩於三月宮鶯啼曉霞明

五鳳之樓仗馬連宵炬徹千官之陞

一人臨軒而受賀萬邦集珮以來朝合內外大小之臣  
鄰聚士農工商之誠懇雕題鑿齒之倫莫不梯  
航而至跂行喙息之衆亦皆鞮譯而朝臣幸際

昌明深霑

樂育稱觥誌喜珥筆生輝敬集五經上祝

萬壽頌曰

天子萬壽德合無疆惟精惟一如圭如璋王道蕩蕩



聖謨洋洋自今以始長發其祥

其一

帝德廣運與時偕行首出庶物萬邦以貞無偏無黨乃

聖乃神綏以眉壽福祿來成

其二

欽若昊天小心翼翼夙夜維寅威儀是力敬天

休命順帝之則

壽考萬年如幾如式

其三

文明以建其道大光禮樂明備黼黻文章蹌蹌

濟濟穆穆皇皇天眷佑受福無疆

其四

濬哲文明布昭

聖武以征不庭陳師鞠旅萬國來同受天之祜

壽考維祺百獸率舞

其五

永康兆民俶載南畝本固邦寧終善且有羣黎  
百姓拜手稽首

天子萬年酌以大斗

其六

順天休命克寬克仁

上有大澤政在養民耆災肆赦告爾祥刑萬有千歲宜

民宜人其七

既多壽社如岡如陵百辟卿士來獻其琛發號  
施令慶賞遂行並受其福三壽作朋其八

萬壽詩

五言排律十六韻

監

生臣劉義林

萬國車書集三春寶歷長瞳矚旭日曉縹緲慶  
雲翔英應堯階瑞芝生禹甸祥爐烟凝瑣闥仙  
樂播笙簧藻井垂金殿朱旗拂畫梁

袞衣臨斗極環珮繞

天潢鶩序趨

楓陛

龍綸出尚方曝芹野老獻玉帛遠藩將雲漢迴閭闔天文  
入建章明良同遇合山海盡梯航寶墨揮

宸翰琅函發

睿光作人康壽考養老列膠庠

特詔開雲路同文徧海疆崇儒遵孔孟致治邁軒皇大

勇兼仁武弘慈協會昌小臣無所獻長進萬年

觴

萬壽詩

七言律一首

監

生臣程世綏

瑞靄天開海日紅祥雲爭繞

紫微宮玉階獻壽千官肅曉漏呼嵩萬國同仙仗

花明添霽色

御筵春暖送香風紛紛齊上升恒頌都在

皇仁雨露中

萬壽詩

七言律四首  
有序

監

生臣王廷擢

欽惟我

皇上以天亶之聖膺首出之姿邁華渚之虹流協瑤樞  
之電繞徇齊敦敏道統冠乎百王文武聖神治  
法超乎千古仰

聖孝則尊養兼隆煥

宸猷則作述並茂翕河梁嶽歌時邁者七巡平地成天  
利隨刊者億載惠下則蠲租賜復家家共躋春  
臺卹民則解網除殘處處同遊化日職方作貢  
不遺乎銅柱朱崖王會陳圖遠暨乎金城玉塞  
至於薪樵造士茅茹拔材廣杏林桂苑之英四  
門盡闢探玉海珠淵之秘八表無遺凡  
聖主之偉德豐功無非集慶凝休之自而

國家之深仁厚澤總為祈天永命之基是以數應

昌期天開

壽域歲德在癸五行遞獻其休嘉月令方春萬物正當

其和會

御宇歷五十二年之久如日方中

聖誕逢六十

萬壽之期普天同慶數較逾於大衍五十著倍益其占

壽更邁於靈椿八千秋適逢其始山鞮海譯萃萬

國之衣冠雲卿星輝啟千門之間闔花凝湛露競



舞

堯階草帶春暉齊瞻

舜日昔華封三祝曾致獻於唐年天保九如亦見歌

於周雅況臣幸逢鼓舞太平之日敢後頌颺

仁壽之辭敬獻七言恭呈四律窺蠡測管本無當於

高深向日傾葵聊以申其頌禱云爾

太平天子介純禧四海歡呼拱

玉墀蒲長堯厨輝寶篆香飄文囿燦靈芝九成暢協

簫韶奏一德欣歌魚藻詩齊禱岡陵來獻

壽鸞翔雀舞萬年枝其一

武緯文經昔代無遠超二典軼三謨吹噓兆姓

陽春律鼓鑄人材造化爐南極祥星依

黼座東郊佳氣滿

皇都貞元倍衍無疆歷嶽瀆羣靈異鼎圖

其二

紫籞祥烟繞

帝宮玉階綵仗颺和風瓊池芝草年年長仙圃蟠桃歲

歲紅夏屋連雲千里合春臺布暖八方同還占

天意孚人願甘雨隨時百穀豐

其三

戶興禮樂蔚桑麻

王會梯航道路賒重譯盡供琛是玉十洲新貢棗

如瓜億千歲月同春晝大地乾坤總

帝家草莽

微臣  
雷

聖澤敬隨衢祝獻東華

其四

萬壽詩

七言律一首

監

生臣楊于芳

中天景運煥文章  
南極星輝寶曆昌  
芹藻幾回霑雨露  
菁莪常自被春陽

九閭旭日開元化  
六宇奎文曜

帝光造士古來稱  
壽愷一廷藹吉頌  
無疆

萬壽詩

五言排律六韻

監

生臣顧若霖

帝治超千古

皇仁徧九垓普天飛化雨大地震春雷

壽域南山聳

恩波北闕開龍津神變化杏苑廣栽培同赴看花宴爭  
稱獻壽盃欣逢交泰世殊媿洛陽才

萬壽詩

五言排律六韻

監

生臣何景儀

四海同春日堯天慶未央繞樞呈電瑞盤棟燦  
龍光金鏡千秋錄瑤池九醞觴惠風迎劒珮旭

日麗冠裳南極星辰拱西清麟鳳翔

聖人長有道萬壽祝無疆

萬壽詩

有序

方畧館監生臣林世俊

欽惟

皇帝陛下

巍巍聖德

赫赫神功

網維四氣之全

統會八紘之表

經文緯武亘日月以常新

贊地參天並乾坤而永大五十二載朝乾夕惕擴性  
命之真傳千八百國物阜民安臻治平之極盛  
茲陽春之三月屆

聖壽之六旬來享來王集共球於四海是道是荷弘第  
祿以千秋臣等草木欣榮幸戴

樂國之和風

九重峻德難名徒切捧山之願一介葵心欲展聊陳擊壤之歌不盡颺言敬抒排律

帝福升如日

君心溥若天道隆千載後勲邁百王前建極中和合綏猷制作全兩儀資定位庶物藉陶甄盛德原臻化純修更體乾存存功愈密疊疊意彌專敬自

化純修更體乾存存功愈密疊疊意彌專敬自



丹書得誠從大易傳作銘依

黼座講學

御經筵纘緒仁為本惇倫孝是先禮儀俱美備義問復  
昭宣玉食常豐養馨香必告虔棟華欣譁譁瓜  
瓞慶綿綿旭日臨堯陛薰風理舜絃欽明躬有  
度正直治無偏

垂拱敷聲教端居運化權輿圖光遠被象魏法高懸已  
擅義軒聖仍求元愷賢泮池增藻采棘院廣如

連石室寧誇漢金臺豈慕燕珪璋陳左右杞梓  
列班聯四海深懷保羣黎普惠鮮好生刑屢恤  
益下賦頻蠲

睿慮觀河箭

宸遊望嶽蓮

巡方朝玉帛障水發金錢胞與通疆域要荒總幅員修  
文歸版籍偃武息戈鋌大沛寰中雨全消塞外  
煙共球加舊貢

方畧著新編是歲春三月吾

皇壽萬年東王旋斗柄南極現星躔祥鳳鳴岐嶺神龜  
出洛川瑤階滋瑞草銀沼湧丹泉入覲皆屏翰  
來瞻盡倬倬高呼呼牋競奏華祝祝昂爭昂鐫稽拜環  
雙闕謳歌動八埏微臣隨隨忭舞願上兕觥篇

監

生臣董紹美

聖德參天地

鴻恩徧八荒車書龜極外琛帛

衮衣旁瑞應

千春節歡騰

萬壽觴甲花周復始  
萸吐方長紅綬星雲麗  
升恒日  
月光雙籌添海屋  
九葉秀芝房  
柳外

鸞旂迴花邊

鳳葆張爐烟何馥郁  
劍佩競趨蹌  
野晉三多祝  
朝賡  
百祿章歡聲喧紫陌  
盛事紀青緇  
景福超堯舜

弘禧陋漢唐  
小臣依

輦轂永此慶遐昌

監

生臣耿國翰

帝德巍巍邁百王欣逢令節啟青陽  
蒼黎共獻千秋鼎  
岳牧同稱

萬壽觴露潤玉階朱草發風吹金浪醴泉香  
葵心願效  
三多祝遙望紅雲拜建章  
其一

圖經日闢驗

皇輿壽厯徐推慶有餘

問夜深宮披玉藻

省方薄海識金車崆峒不講求仙訣黼扆惟陳無逸書

自是乾元行健力卿雲紉繆擁

皇居

監

生臣唐秉彝

佳氣黃圖迴紫光紫極張九天弘

壽域六宇頌

神皇

聖德恢無外

宸衷豫且康仁風方浩蕩淑景正芬芳  
蕙沼融融暖桃花灩灩香盤流金掌  
露樽挹玉壺漿閨苑風雲會蓬山日月長  
九賓咸率職百譯盡來王

淳化彌三極

深恩浹萬方名言真莫罄載筆豈能颺  
敢擬封人祝聊陳擊壤章

監

生臣王學吳

乾健超千古陽和被萬方紀年弘寶鼎歌曲駕  
芝房仰

德隆堯舜論

功邁禹湯巍峩山莫並浩蕩海難量租赦周三歲刑寬  
約九章藻芹爭煥采桂杏益飄香

聖學原高峻

天文更喬煌王民仍皞皞表海復泱泱

帝歷乾坤久



皇年日月長六旬當大慶

萬壽永無疆童叟謳吟徧衣冠禮樂張

寵榮誠莫覲

恩遇出非常燕雀歡騰色旌旗喜溢光

小臣

霑化雨拜

手頌

天皇

監

生臣李孔嘉

海晏河清日民安物阜時和風來上苑淑氣布

彤墀景運金甌卜芳辰玉律吹八方開壽域九有  
覩昌期覆載乾坤大恩膏雨露滋雲璈聽宛轉  
仙仗肅威儀民獻華封祝臣歌天保詩趨蹕齊  
岳牧拜舞盡臯夔

聖德嘉祥兆天申福祿宜綿長周甲子悠久數千支桃  
實剛逢熟嵩呼亦效奇幸當

全盛世葵藿願陳詞

萬壽詩

有序

子史館監生臣吳從龍

欽惟我

皇上與天同運如日方升五十餘年宵旰之勤見  
聖人之無逸百千萬國昇平之久沐

天子之至仁時屆三春恭逢

萬壽歲周花甲星燦長庚於是

賜復蠲租開科取士布

鴻恩於望外溥大澤於寰中真史策所罕聞古昔所希

有也一時臣庶願進萬年之觴四野謳歌競效  
三多之祝而臣等蒙

皇上恭養八載感

覆載之高深

培植多年荷

生成之廣大未能圖報殊切悚惶輒獻蕪辭恭呈  
睿覽以下里之句代康衢之謠臣等不勝踴躍歡忭  
之至

寶厯弘開億萬年升恒日月祝

堯天西池桃熟呈

宸扆南極星輝拱

御筵盤滉紫霞金掌露芝生青嶠玉田煙臣民共仰瞻

雲表瑞靄龍葱慶祚綿其

欣逢清晏效嵩呼

萬歲聲傳統巷衢率土普天登壽域醴泉甘露獻禎符

九如載詠申臣願三祝重賡永

帝圖時屆陽春風物麗太和洋溢徧寰區其二

監

生臣丁圖南

重譯梯航祝

聖人杖藜跋涉慶

長春須知百祿殷勤降總為民情愛戴真獻曝獻芹風  
最樸如山如阜願方申歡騰到處鈞天樂并舞  
聲遮輦路塵

監

生臣王 綺

紅雲凝斗極

天壽慶昌辰

德普三才協

恩敷萬國春舜琴風遠播堯英歲恒新瑞啟箕疇應綿

綿景福申 其一

體天膺寶位歷數並三皇帶礪山河固升恒日

月長衣冠羅

殿陛色貢集梯航抃舞呼嵩切欣逢泰運昌 其二

維新開鼎祚淑景麗春城苑樹籠筵碧宮花映  
殿明仙桃陳玉椀湛露浥金莖自得長生理何

須問廣成

其三

內殿依芸局承

恩歷歲年觀光雲日爛紀瑞鳳梧聯壽擬豳詩獻詞將華  
祝傳載徵圖錄永

健德本齊天

其四

監

生臣錢阿瑛



帝德行惟健天心眷獨長六旬綿甲子三月正春王運

配山川久

恩昭日月光

禁城開錦繡

御路繞芬芳玉帛盈千里衣冠集萬方樂從四野奏

綵為

九重張

壽域成瑤島春臺陋栢梁物情滋動植世界入義皇

草獻千巖秀花霏百和香共球分大小山海盡  
梯航婦子欣瞻日農工擬進觴

聖皇復軫念

溫旨特宣揚只欲安黎庶因教發太倉

睿圖周遠邇文運啟宏昌歷並乾坤永仁如雨露灑  
呼延億萬華祝邁尋常德福兼隆著謳歌到處  
將八方同一願

萬歲永當陽

天子萬年頌

集雅頌六章

監

生臣楊相

維清緝熙長發其祥允也

天子穆穆皇皇受命既固

萬壽無疆

一章

顯顯

令德如圭如璋

聖敬日躋載錫之光以引以翼四方為綱

二章

矢其

文德日就月將令聞令望金玉其相遠猶辰告四國是

皇三章

載纘

武功式辟四方赫赫厥聲幅幘既長海外有截莫敢不

來王四章

立我蒸民自天降康俾民稼穡如茨如梁日用

飲食豐年穰穡五章

受天之祜為下國駿厯子孫千億休有烈光介

以

繁祉惠我無疆

六章

維清六章章六句

監

生臣楊樟

維此

聖人昊天其子之有秩斯祜莫不有之永言配命于時

保之一章

我受命溥將百祿是荷思皇多祐四方來賀受  
福無疆俾爾昌而大 二章

有嚴

天子允文允武柔遠能邇徹我疆土外大國是疆采入  
其阻 三章

追琢其章下土之式討謨定命我求懿德陳常  
于時夏聞于四國 四章

福祿來崇

天子萬壽式歌且舞以介景福保佑命之克昌厥後五

章

壽考維祺萬民之望永錫爾極宜

君宜王百祿是總申錫無疆六章

維聖六章章六句

萬壽詩七言律四首

監

生臣周簡

閭闔春融紫氣浮臣民歡忭繞龍樓

九重天上呼嵩華五色雲中拜

冕旒貫月流虹昭景慶玉書金管紀春秋萬年介壽從

茲始花甲初開第一周 其一

聖主垂乾冠古今雲蒸霞起頌

君臨綿長泰運膺軒厯浩蕩薰風拂舜琴九曲澄清

王者瑞萬方胞與

聖人心太平有象歡無極永戴中天雨露深 其二

運際昌期上瑞臻天庥淳至效封人星流華渚



朝南極河出榮光壽北辰薄海添籌高日月康  
衢擊壤協韶鈞無疆慶兆軒臺策

寶厯恒歌億萬春

其三

歡騰重譯勸梯航壽國來依

天子光一道

恩綸彌六合

萬齡天祿邁三皇麟遊鳳舞圖王會海湧山朝入職方

何幸

小臣

逢此日得隨率舞介霞觴

其四

萬壽詩

五言排律十二韻

監

生臣  
陸載濤

龍飛開壽國虎拜頌

軒宮花甲周天始葵心率土同九達歡擊壤八表

慶呼嵩巍蕩符堯德平成廓禹功紀年書出洛

誕

聖渚流虹日月青陽麗河山紫氣融霞觴傾湛露仙樂

動薰風

彩仗臣民擁

彤庭玉帛充四靈馴

禁籞五老聚璇穹扈閣春常在鴻霄畧再中金桃三

島綻

寶厯萬齡崇願繼封人後歌衢祝

聖躬

萬壽盛典初集卷一百十四